

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

« 10 » « 02 » 2020թ.

Հայաստանի Հանրապետության էկոնոմիկայի նախարարությունը, ի դեմս գլխավոր քարտուղարի պաշտոնակատար Արմինե Խառատյանի (այսուհետ՝ Պետական մարմին), որը գործում է Պետական մարմնի կանոնադրության հիման վրա, մի կողմից, և «Հանրապետական անասնաբուժասանիտարական և բուսասանիտարական լաբորատոր ծառայությունների կենտրոն» ՊՈԱԿ-ն ի դեմս տնօրեն Արման Գևորգյանի (այսուհետ՝ Կազմակերպություն), որը գործում է Կազմակերպության կանոնադրության հիման վրա, մյուս կողմից (այսուհետ՝ միասին՝ Կողմեր), հիմք ընդունելով «Հայաստանի Հանրապետության 2020 թվականի պետական բյուջեի մասին» Հայաստանի Հանրապետության օրենքը, Հայաստանի Հանրապետության կառավարության 2019 թվականի դեկտեմբերի 26-ի «Հայաստանի Հանրապետության 2020 թվականի պետական բյուջեի կատարումն ապահովող միջոցառումների մասին» N 1919-Ն որոշումը (այսուհետ՝ Որոշում)՝ «Սննդամթերքի լաբորատոր փորձաքննություններ» 2020 թվականի ծրագրի (այսուհետ՝ Ծրագիր) իրականացման նպատակով կնքեցին սույն պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

1.1 Սույն Պայմանագրով Պետական մարմինը պարտավորվում է N 1026 Ծրագրի N 11002 «Բուսական ծագման մթերքում պեստիցիդների, նիտրատների, ծանր մետաղների և գենետիկորեն ձևափոխված օրգանիզմների մնացորդների մոնիտորինգ» (04.02.01.21) միջոցառումների իրականացման նպատակով Կազմակերպությանը հատկացնել Որոշմամբ նախատեսված մինչև **45,802,900 (քառասունհինգ միլիոն ութ հարյուր երկու հազար ինը հարյուր) դրամ** (ներառյալ ավելացված արժեքի հարկը)՝ Պայմանագրի 2.1.2 կետով սահմանված հաշվետվությունների և Ծրագրի շրջանակներում կատարված աշխատանքների հանձնման-ընդունման արձանագրության հիման վրա, իսկ Կազմակերպությունը պարտավորվում է Ծրագիրն իրականացնել սույն պայմանագրով սահմանված կարգով:

1.2. Կազմակերպության կողմից իրականացվելիք Ծրագրի միջոցառումները և ոչ ֆինանսական (արդյունքային) ցուցանիշները, ինչպես նաև ֆինանսական պարտավորությունների կատարման ժամանակացույցը ներկայացված են սույն Պայմանագրի համապատասխանաբար N 1 և N 2 հավելվածներում:

2. Կողմերի իրավունքները և պարտավորությունները

2.1 Պետական մարմինն իրավունք ունի՝

2.1.1 Կազմակերպությունից պահանջել Ծրագիրը կատարել Պայմանագրով սահմանված ժամկետներում.

2.1.2 Կազմակերպությունից պահանջել Ծրագրի կատարման համար Հայաստանի Հանրապետության պետական բյուջեից հատկացված ֆինանսական միջոցների նպատակային օգտագործման վերաբերյալ Հայաստանի Հանրապետության ֆինանսների նախարարի 2019 թվականի մարտի 13-ի N 254-Ն հրամանով հաստատված ձևով (ձև Հ-2, Հ-4, Հ-8 և տեքստային) եռամսյակային և տարեկան աճողական հաշվետվություններ՝ մինչև հաշվետու ժամանակաշրջանին հաջորդող ամսվա 10-ը, ինչպես նաև հաշվետվություն դրամաշնորհի նկատմամբ հաշվարկված ավելացված արժեքի հարկի հաշվարկման և վճարման վերաբերյալ (այսուհետ՝ Հաշվետվություն), մինչև հաշվետու ժամանակաշրջանին հաջորդող ամսվա 20-ը.

2.1.3 ցանկացած ժամանակ (այդ թվում՝ լիազոր մարմնի միջոցով) ստուգելու Կազմակերպության կողմից իրականացվող Ծրագրի ընթացքը և որակը՝ առանց միջամտելու վերջինիս գործունեությանը.

2.1.4 Պայմանագրով սահմանված պահանջներին չհամապատասխանելու դեպքում չընդունելու իրականացված Ծրագիրը՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջելու վճարել սույն պայմանագրի 5.1 կետով նախատեսված տուգանքը.

2.1.5 առանց իրականացված Ծրագրի միջոցառումների արդյունքների դիմաց գումար տրամադրելու՝ միակողմանի լուծելու սույն Պայմանագիրը և պահանջելու հատուցել պատճառված վնասները, եթե՝

ա. Կազմակերպությունը ժամանակին չի սկսում Ծրագրի իրականացումը, կամ Ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

բ. Կազմակերպությունը երկու և ավելի անգամ խախտել է Ծրագրի իրականացման ժամկետները (Ծրագրի իրականացման ժամկետներ նախատեսված լինելու դեպքում),

գ. իրականացված Ծրագրային միջոցառումները չեն համապատասխանում Ծրագրով սահմանված պահանջներին.

2.1.6 սույն Պայմանագիրն օրենքով կամ սույն Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2 Կազմակերպությունն իրավունք ունի՝

2.2.1 իրականացված Ծրագրային միջոցառումների արդյունքը Պետական մարմնի կողմից ընդունելու դեպքում պահանջելու վճարել իրեն հասանելիք գումարը.

2.2.2 Պետական մարմնի կողմից գումարները չվճարելու դեպքում միակողմանի լուծելու սույն Պայմանագիրը և պահանջելու հատուցել իրեն պատճառած վնասները:

2.3 Պետական մարմինը պարտավոր է՝

2.3.1 կատարել Պայմանագրով նախատեսված Ծրագրային միջոցառումների իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.2 իրականացնել Պայմանագրով նախատեսված այլ աշխատանքներ.

2.3.3 իրականացված Ծրագրի մասին ներկայացված հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Եթե ներկայացված հաշվետվությունների համաձայն իրականացված Ծրագրային միջոցառումները համապատասխանում են Ծրագրի և սույն Պայմանագրի պահանջներին, ապա դրանք ընդունվում են Պայմանագրին կից Ձև 1-ի ձևաչափով կազմված հանձնման - ընդունման արձանագրությամբ:

2.4 Կազմակերպությունը պարտավոր է՝

2.4.1 իրականացնել Ծրագրի շրջանակներում Պետական մարմնի կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2 Պայմանագրով նախատեսված ֆինանսական միջոցներն օգտագործել Ծրագրով և (կամ) սույն Պայմանագրով սահմանված նպատակներով ու չափաքանակով.

2.4.3 կատարել Պետական մարմնի կողմից բացահայտված թերությունների վերացման նպատակով տրված ցուցումները.

2.4.4 սույն Պայմանագրով սահմանված կարգով Պետական մարմնին ներկայացնել միջոցառումների իրականացման մասին Հաշվետվություններ,

2.4.5 սույն Պայմանագրի գործողության ընթացքում ապահովել Ծրագրի իրականացմանը վերաբերող փաստաթղթերին ծանոթանալու Պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.6 Պետական մարմնի կողմից առանձին Ծրագրային միջոցառումների իրականացման մասին Հաշվետվությունները չընդունվելու դեպքում Կազմակերպությունը պարտավորվում է անվճար՝ Պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները.

2.4.7 Ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան.

2.4.8 Ծրագրի իրականացման արդյունքում առաջացած տնտեսումները (խնայողությունները) վերադարձնել Հայաստանի Հանրապետության պետական բյուջե՝ ոչ ուշ, քան մինչև 2020 թվականի դեկտեմբերի 25-ը,

2.4.9 սույն Պայմանագրով տրամադրվող դրամաշնորհի նկատմամբ հաշվարկված ավելացված արժեքի հարկի գծով լրացուցիչ հատկացումները չուղղել այլ նպատակների: Ծրագիրը ավելացված արժեքի հարկով հարկման ենթակա չլինելու կամ պետական բյուջեից ավելացված արժեքի հարկի վճարման համար տրամադրվող գումարի դիմաց ավելի փոքր գումարի չափով հարկման ենթակա լինելու դեպքում նշված հարկի վճարման համար նախատեսված հատկացումների գծով չօգտագործված գումարները 2020 թվականի ընթացքում վերադարձնել Հայաստանի Հանրապետության պետական բյուջե:

3. Մոնիթորինգը

3.1 Պետական մարմինը Ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2 Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից:

3.3 Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ, և կատարվում են առաջարկություններ:

3.4 Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5 Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

4. Վճարման կարգը և ժամկետները

4.1 Կազմակերպությանը վճարումներն իրականացվում է պետական բյուջեով նախատեսված գումարների սահմաններում Կազմակերպության կողմից ներկայացվող Պայմանագրին կից Ձև 2-ի ձևաչափի եռամսյակային կամ ամսական հայտերի հիման վրա, ներկայացնելուց հետո 5 աշխատանքային օրվա ընթացքում, նախորդ հաշվետու ժամանակաշրջանի Հաշվետվությունները Պետական մարմնի կողմից ընդունման արդյունքներով: Ընդ որում եռամսյակային հաշվետվությունների չընդունման դեպքում ֆինանսավորումը դադարեցվում է մինչև կատարված աշխատանքների ընդունումը:

5. Կողմերի պատասխանատվությունը

5.1 Սույն Պայմանագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է Պետական մարմնին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում՝ տուգանքի վճարումը Կազմակերպությանը չի ազատում իր պարտավորությունները կատարելու և

խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է Կազմակերպությանը վճարվելիք գումարներից:

6. Պայմանագրի գործողության ժամկետը

6.1 Պայմանագիրն ուժի մեջ է մտնում Կողմերի ստորագրման պահից, և գործում է մինչև 2020 թվականի դեկտեմբերի 31-ը:

7. Անհաղթահարելի ուժի ազդեցությունը (ՖՈՐՍ-ՄԱՃՈՐ)

7.1 Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

8. Եզրափակիչ դրույթներ

8.1 Պայմանագիրը կազմված է սույն հիմնական տեքստից և հետևյալ Հավելվածներից, որոնք կազմում են Պայմանագրի անբաժանելի մասը.

Հավելված N 1 - «Ծրագրի միջոցառումները և ոչ ֆինանսական (արդյունքային) ցուցանիշներ»,

Հավելված N 2 - «Ֆինանսական պարտավորությունների կատարման ժամանակացույց»:

8.2 Պայմանագրի շրջանակներում կատարված աշխատանքները ընդունվում են Պայմանագրին կից Ձև 1-ի հանձնման - ընդունման արձանագրությամբ, որը Պայմանագրի

2.1.2 կետում նշված ժամկետներում, Հաշվետվության հետ միասին, երկու օրինակից լրացված, ստորագրված և կնքված ներկայացվում է Կազմակերպության կողմից:

8.3 Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

8.4 Պայմանագիրը կազմված է հայերեն լեզվով, երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

8.5 Պայմանագրով նախատեսված պարտավորությունների չկատարման հետ կապված, ինչպես նաև սույն Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

9. Կողմերի հասցեները, բանկային վավերապայմանները և ստորագրությունները

Պետական մարմին

«Էկոնոմիկայի նախարարություն
Հասցե՝ 0010, ք. Երևան, Մ. Մկրտչյան 5
Կենտրոնական գանձապետական
գործառնական վարչություն

Հ/Հ 90001102134

ՀՎՀՀ 02698604

Գլխավոր քարտուղարի
պաշտոնակատար՝

ԱՐՄԻՆԵ ԽԱՌԱՏՅԱՆ



Կ.Տ.

Կազմակերպություն

«Հանրապետական
անասնաբուժասանիտարական և
բուսասանիտարական
լաբորատոր ծառայությունների
կենտրոն» ՊՈԱԿ

Հասցե՝ 0041, ք.Երևան, Էրեբեւնի 12

Կենտրոնական գանձապետական
գործառնական վարչություն

Հ/Հ 900018006149

ՀՎՀՀ 00403436

Տնօրեն՝ ԱՐՄԱՆ ԳԵՎՈՐԳՅԱՆ



Կ.Տ.

2020 թվականի 02 10-ին կնքված
 Հավելված 1
 N 2920 պայմանագրի

ԾՐԱԳԻ ՄԻՋՈՑԱՌՈՒՄՆԵՐԸ ԵՎ ՈՉ ՖԻՆԱՆՍԱԿԱՆ (ԱՐԴՅՈՒՆՔԱՅԻՆ) ՑՈՒՑԱՆԻՇՆԵՐԸ

Միջոցառման նկարագրությունը	Ցուցանիշը	Չափի միավորը	Նախատեսվում է իրականացնել 2020 թվականի ընթացքում ընդ որում առողական			
			I եռամսյակի քանակը	I կիսամյակի քանակը	իննը ամիս քանակը	տարի քանակը
1	2	3	4	5	6	7
Բուսական ծագման մթերքի մեջ մնացորդային նյութերի և ԳՁՕ-ների լաբորատոր հսկողության նպատակով փորձարկումներ	Լաբորատոր նմուշների քանակ	հատ	0	50	177	253
Բուսական ծագման մթերքի մեջ մնացորդային նյութերի և ԳՁՕ-ների փորձաքննություններ	Լաբորատոր փորձաքննությունների քանակ	հատ	0	451	1578	2255

ՊԵՏԱԿԱՆ ՄԱՐՄԻՆ



Գլխավոր քարտուղարի պաշտոնակատար՝ Ա. Խատատյան

Կ. Տ.

ԿԱԶՄԱԿԵՐՊՈՒԹՅՈՒՆ



Տնօրեն՝ Ա. Վարդյան

Կ. Տ.

ԾՐԱԳՐԻ ՖԻՆԱՆՍԱԿԱՆ ՊԱՐՏԱՎՈՐՈՒԹՅՈՒՆՆԵՐԻ ԿԱՏԱՐՄԱՆ ԺԱՄԱՆԱԿԱՑՈՒՅՑ

(հազար դրամ)

Ձեռք բերվող ապրանքի, աշխատանքի, ծառայության անվանումը	Բյուջետային ծախսերի տես. դասակարգման հորվածք	Նախատեսվում է ֆինանսավորել ՀՀ 2020 թվականի պետական բյուջեի միջոցների հաշվին՝ աճողական										Ընդամենը		
		առաջին եռամսյակ			առաջին կիսամյակ			ինն ամիս			տարի			
		հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր		նոյեմբեր	դեկտեմբեր
1	2	3	4	5	6	7	8	9	10	11	12	13	14	15
Բուսական ծագման մթերքում պետիցիլոների, նիտրատների, ծանր մետաղների և գենետիկորեն ձևափոխված օրգանիզմների մնացորդների մոնիտորինգ	4637	0.0	4,000.0	8,244.5	12,044.5	15,844.5	19,695.2	23,495.2	27,295.2	31,145.9	37,145.9	43,145.9	45,802.9	45,802.9
ԸՆԴԱՄԵՆԸ		0.0	4,000.0	8,244.5	12,044.5	15,844.5	19,695.2	23,495.2	27,295.2	31,145.9	37,145.9	43,145.9	45,802.9	45,802.9

ՊԵՏԱԿԱՆ ՄԱՐՄԻՆ

ԿԱԶՄԱԿԵՐՊՈՒԹՅՈՒՆ



Գլխավոր քարտուղարի պաշտոնակատար՝

Ա. Ենոքատյան

Կ. Տ.

Տնօրեն՝

Ա. Գևորգյան

Կ. Տ.

Հաստատում են

ՀՀ Էկոնոմիկայի նախարարի տեղակալ

ԱՐՁԱՆԱԳՐՈՒԹՅՈՒՆ N__
Պայմանագրի շրջանակներում կատարված աշխատանքների
ՀԱՆՁՆՄԱՆ-ԸՆԴՈՒՆՄԱՆ

ՀՀ Էկոնոմիկայի նախարարության և _____ միջև
«_____» «_____» 2020 թվականի կնքված N _____ պայմանագրի
շրջանակներում 2020 թվականի «_____» դրությամբ կազմակերպության կողմից կատարվել
է պայմանագրով նախատեսված ստորև նշված աշխատանքները.

Կատարված աշխատանքների						
Հ/ Հ	Անվանումը	Չափի միավորը	Քանակական ցուցանիշներ		Արժեքը(հազ.դրամ)	
			Նախատեսված	Փաստացի	Նախատեսված	Փաստացի

Կատարված աշխատանքները համապատասխանում են կնքված պայմանագրին ու ծրագրին
և ընդունվում են:

Աշխատանքը հանձնեց՝

Աշխատանքն ընդունեց՝

**Պատասխանատու
ստորաբաժանման ղեկավար**

(ստորագրություն ազգանուն, անուն)

(ստորագրություն ազգանուն, անուն)

**Ֆինանսական ստորաբաժանման
ղեկավար**

(ստորագրություն ազգանուն, անուն)

ԾԱԽՍԵՐԻ ԿԱՏԱՐՄԱՆ
ՀԱՅՏ N _____
ՀՀ ԷԿՈՆՈՄԻԿԱՅԻ ՆԱԽԱՐԱՐՈՒԹՅՈՒՆ

_____ (Կազմակերպության անվանումը) _____ (Հաշվի համարը)

Բաժին Խումբ Դաս Ծրագիր _____ (Ամսաթիվ)
_____ (Դասակարգում)

_____ (Ծրագրի/միջոցառման անվանումը)

Հ/Հ	ԾԱԽՍԻ ԱՆՎԱՆՈՒՄԸ	ՀՈՂԱԾ	ԳՈՒՄԱՐ
ԸՆԴԱՄԵՆԸ			

Առաջին կարգի ստորագրություն՝ _____

Երկրորդ կարգի ստորագրություն՝ _____